

四書解頤言

四書解頤言卷三

青浦方祖範香宇著

受業門人叅訂

男春熙虎泉

編次

恩普郇如

孫宗純心一校

中庸

道不可須臾離。總冒兩節。兼動靜說於全體。言須臾。卽須臾見全體。却非泥不覩不聞爲須臾也。饒氏說截去前後際。單拈不覩不聞。謂暫焉之頃。子思所以發須臾二字之義。豈獨不可以

莫見莫顯爲須臾乎不覩不聞自對莫見莫顯一由動之靜戒懼爲存理工夫一由靜之動慎獨爲遏欲工夫章句並繳道不可離可見首二句是總領下二段而語類或問諸條猶未盡然也。

一念之起人所不睹不聞而已所獨睹獨聞所以爲莫見莫顯慎獨二字子思固本之曾子然曾子爲掩著之小人示砭鍼子思言戒懼之君子加惕勵也十目十手他人之指視縱極森嚴莫見莫顯自己之覩聞更爲親切。

喜怒哀樂未發之中人心一太極也太極陰陽未分而萬象胥

含。不。可。言。有。亦。不。可。言。無。人。生。而。靜。喜。怒。哀。樂。未。發。之。時。渾。然。在。中。猶。太。極。至。無。而。涵。至。有。至。虛。而。涵。至。實。所。以。爲。天。下。之。大。本。

喜。怒。哀。樂。未。發。已。發。先。儒。皆。不。言。有。工。夫。艾。千。子。主。工。夫。說。者。非。已。山。謂。置。下。節。致。中。和。于。何。地。愚。按。亦。不。是。恐。估。下。節。致。中。和。地。位。以。此。言。性。情。之。德。若。跟。戒。懼。慎。獨。說。工。夫。則。中。和。專。屬。君。子。非。人。人。共。有。之。性。情。矣。已。山。又。云。本。節。文。義。是。於。上。二。節。之。下。脫。開。提。起。仍。從。天。命。源。頭。說。下。於。理。固。是。然。將。上。文。劃。斷。一。章。書。分。兩。截。恐。亦。未。然。程。子。朱。子。是。蒙。上。兩。節。分。動。靜。二。時。

言之語類云不覩不聞之時便是喜怒哀樂未發處推之莫見
莫顯亦便是由未發而發之時也蓋雖衆人不知戒懼愼獨而
事物未交無非不覩不聞之候感物而動卽是莫見莫顯之時
夫不覩不聞雖有喜怒哀樂之情而未發也性也莫見莫顯則
是獨觀獨聞由性而發也情也惟本無工夫故衆人與聖人一
般都有所以爲性情之德而人不可離

天地位萬物育或疑孔子生當衰周之世而不行其道若無救
於氣數陰陽之患然聖人之心與天地萬物不相間隔於所以
位所以育之理無少欠闕至於老安友信少懷亦便是上下同

。派。物。各。得。所。中。和。位。育。實。事。

。脩。道。之。教。聖。人。所。以。繼。天。立。極。也。達。則。堯。舜。禹。湯。文。武。窮。則。孔。子。中。庸。第。二。章。首。係。以。仲。尼。曰。子。思。固。自。明。祖。述。聖。人。爲。中。庸。一。書。所。由。來。亦。以。見。聖。人。垂。教。萬。世。之。義。

。敬。肆。兩。字。是。君。子。小。人。所。以。分。未。有。君。子。而。不。成。於。戒。懼。慎。獨。者。亦。未。有。無。忌。憚。而。不。爲。小。人。者。

。語。類。既。是。君。子。又。要。時。中。又。字。從。本。文。而。字。看。出。將。君。子。字。一。頓。轉。落。而。時。中。三。字。明。有。兩。截。困。學。錄。惟。是。君。子。方。能。時。中。兩。層。直。下。無。而。字。意。雖。於。理。亦。通。而。義。未。圓。足。

章句於君子下一德字。德卽天命之性中字源頭。然所以能時中者。又有戒懼慎獨工夫。戒懼慎獨。自應說在時中。一截與小人之無忌憚作對。已山參困學錄。謂說在君子內亦可者。非。隨時處中。是就發用上說。工夫在慎獨。章句只言戒謹恐懼。以上章致中。是承戒懼來也。然時中之中。卽中節之和。畢竟兼慎獨爲是。

衆論之不同。奚啻千條萬緒。以兩端概之。對中字言也。一雖善而過。一雖善而不及。合過與不及而中出焉。但過處不及處。又極多寡不同。舜則權衡在我。合衆論而比量其輕重。小大務使

歸於義理之至當。蓋中無定體。非舉兩頭以中折之爲中。
寬柔以教。二句串下。不報無道。填實上文。正所謂寬柔以教也。
與下節枉金革二句句法相似。蓋此但就風氣強弱上立論。原
非儒者之強。故不另立教言。章句以含忍之力。勝人爲強。含
忍二字。固指不報無道而所爲寬柔者。亦是能含忍而已。
中庸之道。昭然在人耳目。而虛無空寂之教。豈不隱乎倫常日
用。至平至易。而長生出世之法。豈不怪乎深求隱僻。過爲詭異。
以欺世而盜名。斷主此輩語類。以戰國鄒衍推五德之事。後漢
讖緯之書。爲索隱三山陳氏。以陳仲子之廉。尾生之信。爲行怪。

恐未然。

吾弗能已矣。論道理便是。遜世不見知不悔。說來却須有別。惟覺道之在人。循之則是舍之則非。須臾不可離。白歇手不來住脚不得。

章句依乎中庸。對上索隱行怪。不爲賢知之過。不見知而不悔。對上半途而廢。不爲愚不肖之不及。兩句各兼知行在內。依乎中庸。固是知之盡。心與道一。亦卽仁之至。遜世不悔。固是仁之至。知而弗去。亦卽知之盡。盡至二字內。亦便有勇字意。已山以知仁分貼兩句。疑未是。

費隱二字不平。卽費而隱自在。不是費自費。隱自隱也。通章全是說費隱在費之中。識得費處。便識得隱處。故二三節章句皆依首節於費字內。揭出隱字。而大文却不言隱。

夫婦節莫載。莫破總言道之費。三節引詩亦是證道之費。察字訓著是言。道之費者。昭著於上天下地之間。著字要貼費字說。其所以然者。仍隱也。新安陳氏言察字實對首句隱字。體之隱者。於此物上昭著出來。則便說費而隱不去。於章句未合。

末節重造端。與其字舉兩頭以包全旨。只就道體說。以夫婦之所知能者而言。夫婦亦道中之人道。不遺乎夫婦也。以天地

卷之五
五
之人猶有憾者而言先有道後有天地天地皆道之所彌綸也
夫婦與天地對舉者夫婦之倡隨出入一健順剛柔天地之覆
載生成一陰陽配匹天地至大而舉其端託始於夫婦可以見
道之邇而不遠夫婦至微而言其至直及乎天地可以見道之
遠而不禦

道不遠人因前章言道之費說到聖人不能盡天地猶有憾廣
大如此疑其遠矣故約歸到人身上來使人卽身以求道下二
句又反言以申其義爲賢知之過欲求道於遠者截住他途
所求乎子臣弟友是凡爲子臣弟友者皆有所當盡之道而責

其能盡勿依或問。沉定己之子己之臣己之弟友也。聖人見道深責己重故自視未嘗有滿處。未能是實見爲未能不作謙詞。書旨重我所求於人者。卽我所當自盡之道。見道之切於身故。反之以自責自修。

富貴貧賤夷狄患難。只是富貴爲境之順者。餘皆逆境。君子安得所居皆平易。然以素位而行。無入不得之心。處之則履危而安。處困若亨。順與逆總是一般。故爲居易卽居易。卽是俟命中。着一以字。見素位而行。自不願乎外。非有兩層道理。粹如行遠節重。兩必自意。在造道之心。固不欲自限於卑邇而。

論進道之序。却不能驟至於高遠。蓋遠不始於遠。所由惟通。高不始於高。其基在卑。然則通固非通。通正遠之所造。端欲舍通以求遠。不能也。卑亦非卑。卑卽高之所憑藉。欲舍卑以就高。不能也。故從事於卑通。自可到高遠的地位。苟未至於高遠。還當在卑通上用力。輯語卑通不定。高遠亦不定。卑通不盡。高遠亦不盡。困學錄亦云。就到極高極遠。只有一間未達。此一間未達處。尙是卑通。匪參極貴之愚。以爲與必自意。尙隔一層。輯語又謂。只看詩言。妻子兄弟。而聖人謂其道已及於父母。由是推之。到了父母順。又不止於父母順。樂意亦仍是高卑遠通。無定無。

盡然不知父母順道理已是極至自不應尙作卑邇看玩夫子其字矣字平字口氣真是唱嘆不盡蓋此卽大舜克諧烝乂暨亦允若之事到此則天地位萬物育其理已在一家須看是何氣象

中庸明道之書何以此章忽然說到鬼神鬼神者理與氣而已是卽所謂道也首章第一句天命之謂性便已該鬼神在內了天之所以爲天地之所以爲地只是這陰陽氣化所以謂鬼神者天地之功用而造化之迹也鬼神效能於天地之間微鬼神乾坤或幾乎息矣張子以二氣言朱子以一氣言而屈伸往來

未嘗間斷其說益精

體物不遺章句言陰陽合散不主言屈伸此正可思物生之始二五之精妙合而疑陽中含陰陰中含陽故曰合至於其終魂游魄降則陰不附陽陽不附陰故曰散合散二字流行而對待對待而流行前說俱包使但以陽主伸者爲物之始或嫌於無陰以陰主屈者爲物之終或疑於無陽註以合散字易屈伸字其以此夫

舜受終受命皆於文祖及旣爲天子宗堯而不宗瞽所以明得統於堯而不私其所親也然禘黃帝祖顓頊祭法之詳實自有

虞氏始黃帝舜之八世祖。顓頊舜之六世祖。豈祭及遠祖而反遺其近親乎。不宗瞽者。只宗祀明堂。不以瞽配天耳。其歲祀時享月祭。則敬康而下。句望。橋牛。以至瞽瞍。自有四親廟也。益稷之篇曰。祖考來格。虞賓在位。丹朱助祭。曰。虞賓則祖考明是瞽瞍。以上宗廟饗之。謂舜立廟以饗祖考。鄭氏以爲舜饗子孫之祀者。非。

子孫保之。亦不是。子孫保舜之祀。言舜孝德之大。能垂蔭後人。而子孫得保其封土也。

有大德而得祿位名壽侯氏以爲必得者。理之常舜也不得者。

非理之常。孔子也。陳氏以爲堯舜當氣數之盛。故得位得祿。又得名壽。孔子當氣數之衰。所以不得祿位。僅得中壽。其實孔子德冠古今。而俎豆馨香。千秋萬世。其祿位名壽更自無窮。

夏商以前無追王之文。武周初爲此制。非徇私意以崇奉其祖宗也。上節言武王纘太王王季文王之緒。武王有天下。實本此先世功德。追王自是當乎天理合乎人情。禮緣義起也。

追王太王王季。而不及文王。謂文王自稱王者。固謬。謂武王旣受命尊文考爲文王。而太王王季至周公制禮始追王者。近是而亦未確。太王王季文王。本同追王。顧獨不言文王者。上文周

公成文武之德。章句追王蓋推文武之意。若文王與太王王季並言追王則只可謂推武王之意而安見其爲成文武之德乎。文王雖隆追王之禮。沒其追王之文。謂追王太王王季是文王之意也。亦卽所以推武王之意耳。

達孝者。達乎孝之道。通達事理。委曲周詳。洞徹無間。故能不拘形迹。不泥故常。謂之達孝。照下善繼善述。達字應就武周說。若以天下之人通謂之孝。爲言意味轉薄。

善繼善述。孝之理推之無不通。謂之達。體之無不盡。謂之至。毛西河云。赤刀大訓是大寶器。不是宗器。大寶器惟大饗大喪。

用之如顧命陳赤刀。禘祫陳玉鎮。時祭焉得有此。故以宗器爲宗廟之祭器。此泥春秋二節。時祭祫祭之分耳。不知朱子章句。並未嘗以宗廟之禮。專主祫祭。脩陳設薦。但屬時祭。時祭亦祭太廟。豈無序昭穆之禮。而祫祭亦必有修陳設薦等。則宗器豈得謂非大寶器。至宗廟祭器。或兼及之。則可耳。赤刀大訓。天球先世所藏之寶器。陳之以示守傳。犧尊。瑤爵。簠。簋。宗廟所用之祭器。陳之以待獻享。

困學錄云。春秋二節。上節舉祭祀之大略。下節則推言其義。以見禮意之盡善。只大凡說。無時祭祫祭之分。最爲融通。愚按。上

節以未祭之先言。下節以方祭之時言。無論脩祖廟。決非臨祭之日。陳宗器亦必于未祭陳之。如周禮太宗伯之職。大祭祀卜日宿眡滌濯。泣玉鬯奉玉盞。皆祭之前一日事。裳衣藏之。守祧將祭。則以服授尸。惟薦其時食。應在祭時。而亦必於其未祭先求備物。以待薦享之用。至宗廟之禮一節。方是廟中祭而行禮。祭天於郊。祭地亦於郊。周禮冬至祀天於地上之圓邱。夏日至祭地於澤中之方邱。祭法燔柴於泰壇。祭天也。瘞埋於泰折。祭地也。泰壇卽圓邱。卽南郊。泰折卽方邱。賈疏以爲北郊五峯胡氏謂古無北郊。只社便祭地。朱子以其說爲是。故曰郊祭天。

社祭地。意方邱祭地。雖在北郊。祭則名社。蓋社有與稷並舉者。天子社稷皆太牢。諸侯社稷皆少牢。故天地爲大祀。社稷爲中祀。而社非祭地。社有與郊對舉者。郊以明天之道。社以神地之道。牛。豕。角。繭。栗。器。皆用陶匏。明與郊並重。王者父天而母地。惟天子得祀之。故社卽祭地。祭地之社。是夏至日至方邱之祭。而非雉門外春祈秋報以句龍配祀之社。

禘嘗與郊社並稱。禘祭自是大禘而非時祭。此節書極言武周禮意之宏深。故特推報本反始之義。若以時祭言。是舍其重而反舉其輕。必無是理矣。論者但以春祈夏禘秋嘗冬烝爲四時。

之祭。而以時祭之名禘者當之。不知王制本是殷禮。夏祭曰禘。鄭註直云夏殷禮。周則春祠夏禴。詳見周官大宗伯。則周禘之爲大禘無疑也。獨以嘗本時祭。而嘗對禘疑非時祭。而舉一例嘗應大嘗卽爲大禘。禘主合食四時之祭。亦合羣廟之主。而惟三年一禘。合已毀未毀廟之主。畢陳于祖廟。謂之大禘。嘗考禘禘之祭。間於四時。謂之間祀。禘在四月。間於春夏。以其正當夏禘時祭之候。故周改時禘曰禴。四書據餘大禘不于春則于夏。按明堂位季夏六月以禘于郊。特牲祭義春禘之交。不知此禘字本是禴字。又曰舉大禘則不復舉祠禴之祭。但大禘祭其始祖之所自出。而但以始祖配。若不舉時祭。則羣廟之主少一祭矣。恐無是理。意大禘是祭于始祖之廟。羣廟之主各于其廟祭之。而不合食于太廟。亦不

更舉時祭之名。罔非不祭也。祫以十月。問于秋冬。在秋而適當嘗祭。祫則不嘗。嘗即祫也。故名大嘗。在冬而適當烝祭。祫則不烝。烝即祫也。故名大烝。魯頌秋而載嘗。夏而楅衡。說者謂魯之禘祭應是祫祭。理大物博而登之於頌。自非時祭之嘗。確證。按餘云大祫必此是偏舉。又曰舉時祭則不舉大祭。嘗言舉嘗烝之名。謂之大嘗。大烝而不更名大祫。亦非有時祭而不祫祭之謂。昔成王康王尊魯而賜之重祭。得用天子之禮樂。外祭則郊社內祭則大嘗禘是也。嘗言大嘗且又嘗先乎禘。惟嘗即大祫同是重祭。故可顛倒言之。仲尼燕居篇亦曰郊社之義。所以仁鬼神也。嘗禘之禮。所以仁昭穆也。羣昭羣穆咸在。亦惟爲禘祫大祭。正

猶社與稷並言。則社本中祀。而與郊並言。則社卽大祀。祭地。
哀公問政。夫子獨舉文武之政。重美備意。前兩章言文之無憂。
武周之達孝。盡倫盡制。見文武能盡中庸之道。故我周一代之
政。有非累朝所能及者。章內如達道達德九經。引之則愈深。恢
之則彌廣。聖人憲章之素志。於是乎在。若爲對照。哀公重法祖
意。雖無不是眼光。却反短淺耳。

從仁說到義。從仁義又說到禮。禮從仁義生出。生字當如是看。
謂禮生等殺。固非謂等殺生禮。亦不是。

喜怒哀樂。率其性之自然。而時措咸宜。故中節之和。爲天下之

達道子臣弟友循其分之當然而範圍不過故五常之理亦爲天下之達道

三達德離不得誠五達道亦少不得誠程子謂只誠實此三者三者之外更別無誠蓋以一貫三以三貫五誠實此三者卽誠實此五者誠則皆誠而非別有一誠故也

近知近仁近勇卽在好學力行知恥當下蓋其不自是不自私不甘人下原自性分內帶着知仁勇來卽三近根子章句三簡足以只據現在工夫言之不是說效與必明必強意稍異治天下國家之道行之一時則爲政垂之萬世則爲經此九經

卽文武之政之布在方策者修身是政之本故九經仍從脩身起。

體羣臣。呂氏言視羣臣猶吾四體。卽書作朕股肱耳目之意。解體字亦得。章句設身處地而察其心爲體。貼體察之體。體字作活字義味尤長。下待誠養厚兩意俱在。涵蓋中矣。

齊明以一其內。盛服以肅其外。內外夾持。脩身之義已盡。然無事時雖已把持得定。却恐於動處走失。故脩身工夫尤要於動時着力。非禮不動。舉一動字而視聽言該之。

誠者天之道。卽天命之謂性。就人身上原其理之本然者而言。

周子曰。大哉乾元。萬物資始。誠之源也。此推上一層在天之天也。乾道變化。各正性命。誠斯立焉。此中庸本旨在人天之天也。上誠者。誠之者。一言本然之理。一言當然之事。下誠者。誠之者。各以其人言之。困學錄云。從容中道。及擇善固執。兩種人。總是誠之內事。此言未確。玩章句。則亦天之道也。聖人天性渾全。與天爲一。自然能誠。不須有誠之工夫。故亦爲天道。一云。此則所謂人之道也。纔是說誠之之事。與誠之之人。此字坐實學利困勉。不帶上生安章句。自極分明。以下十二章。天道人道各開說。分頂此節。誠者。誠之者。來不當以不思不勉之聖混入人道。謂

亦是誠之內事。

學問思辨行。或問相承說。不然。亦不容過泥。其間有一定者。學是擇善。施功第一層。行是工夫收煞處。中三項。因學而有所疑。則須問也。至於思。或在學之時。或在問之後。辨或因思而自爲。辨析。或因問而與人辨難。問只訪問。辨則往來議論。更多折辨。思但尋思。辨則是非可否。教有分辨。總要求箇善之所在。而可見之於行。四者功不可闕。而序不必拘。

自誠明謂之性。自明誠謂之教。性教二字。固從首章來。朱子謂與首章天命謂性。脩道謂教二字義不同者。天命謂性。脩道謂

教原性教之所由名此則以所性而有由教而入分誠明明誠之爲天道人道之謂謂之語意自別

首章位天地育萬物中和旣致感應之機自然如此此章盡人物之性自有經畫區處如禮樂刑政之類註所以言知之無不明處之無不當蓋原其理之一性者萬物之一源至誠能盡其性天地人物固一以貫之乃其分之殊盡人物之性須教有分別則字層遞而下不得謂盡人之性卽是盡物之性也陳白沙和友詩云一樣春風幾樣花乾坤分付各生涯正從人物同一源頭寫出各得其所道理至於贊化育參天地卽在盡人物之

性內不是此外另有參贊之事。謂之贊者。天地生人生物而不能使人物各盡其性。便是天地之化育有缺陷處。天地所不能而至。誠能之裁成輔相其功用。直及於天地。由是天位乎上。地位乎下。人位乎中。謂之三才並建。

知天地之化育至誠之理。有以默契其本原。贊天地之化育至誠之能有以補救其闕憾。

曲能有誠。句只是上非起下。致曲是做擴充工夫。能有誠是工夫到後。卽不復謂之曲矣。曲固誠之偏端。誠是曲之全體。本非兩件。所以曲而旣致。亦卽能有其誠也。已山謂是足上起下之

解。故。下。卽。緊。接。誠。字。紫。紫。貫。將。去。然。惟。下。又。接。一。誠。字。貫。將。去。可。知。此。有。誠。不。是。起。下。

至。誠。自。誠。明。者。也。道。可。前。知。總。不。外。一。誠。禍。福。將。至。而。未。至。善。不。善。只。有。箇。得。福。得。禍。之。理。所。以。先。知。爲。難。至。誠。於。其。幾。知。之。仍。自。其。理。知。之。鬼。神。著。其。幾。爲。誠。之。不。可。掩。至。誠。察。其。幾。爲。誠。之。無。不。明。寂。然。不。動。感。而。遂。通。道。固。然。也。察。是。昭。察。之。察。與。明。物。察。倫。察。字。同。不。是。術。數。推。測。

誠。者。自。成。也。誠。字。以。實。理。言。兼。天。地。人。物。在。內。章。句。後。一。截。誠。以。心。言。本。也。道。以。理。言。用。也。貼。而。道。自。道。句。但。就。人。說。以。天。理。

之○本○然○者○而○言○則○實○理○爲○本○實○心○爲○用○以○人○之○行○此○實○理○而○言○
則○實○心○爲○本○實○理○爲○用○

誠○者○物○之○終○始○申○上○誠○者○自○成○句○言○此○理○之○所○以○成○其○爲○物○者○
徹○頭○徹○尾○無○少○間○斷○直○該○乎○物○之○始○終○物○字○所○包○本○甚○廣○但○于○
思○立○言○之○意○却○重○在○人○須○從○天○下○之○物○側○注○到○人○身○上○來○物○卽○
物○則○之○物○如○貌○言○視○聽○子○臣○弟○友○有○是○物○便○有○是○誠○誠○之○終○始○
卽○物○之○終○始○不○誠○無○物○反○言○以○足○上○句○起○下○文○誠○之○爲○貴○不○誠○
是○心○不○誠○無○此○實○心○則○無○此○實○理○雖○有○是○物○只○廣○箇○空○殼○子○耳○
所○以○謂○之○無○物○誠○之○是○以○實○心○而○存○實○理○包○許○多○擇○執○工○夫○在○

內全節注重末一句是責成語

天地之道博也。一節與至誠徵則悠遠一節相應。天地之道理與氣而已。不貳以理言。博厚高明悠久以氣言。章句各極其盛。卽博厚高明悠久。天地氣化流行之極。其盛也。時解但以形體言者。未是。

天子聖則天下皆愚。天子貴則天下皆賤。必天子而議禮制度。考文者。是以上治下以貴治賤。天理合當如此。非天子句一爲提唱。三不字名分截然。罔敢踰越。此子思嚴切示人全章警策處。

上焉者節本是過脈以時位夾出德字來卽無時無位者之不足致民信從見王天下者雖有時位而無德亦無望於民之信從纔與下文故字一線相承

本身六事時解但重本身句徵民以下說成效驗非是愚按不驕根原因在本身句爲一節之糾徵民跟本身來察民之信從與否以自驗其本諸身者善與未善下四句一例不謬不悖等重各上一字以不驕之心去考建質俟不謬不悖等是考建質俟之心必欲其如此倘一有不合猶未盡有字實際工夫須處處收拾來歸到不驕上去纔合有字之脈

祖述憲章上律下襲總不外一中堯舜執中夫子時中遠宗其道也文武監夏監殷以用其中夫子從先不倍以守其中中無定體律天時無定之中也中又不易襲水土有定之中也天時自然之運固不須說地以水土言者土之下皆水而水能載土開闢之初地未成質只是水後來漸漸凝結成地水土即地也一定之理如原隰高卑之異勢剛柔燥濕之異宜兼形體與性情言

於並育並行見不害不悖自有條理如川之流焉是太極既分物各一太極也小德也於不害不悖見並育並行自有根本爲

化之敦焉。是太極未分物。其一太極也。大德也。流亦是化。敦亦是化。宰乎化者。是德化。非有二德。亦無二也。但自其分出處看。則爲川流爲小德。自其一源處說。則爲敦化爲大德。其仁其淵。其天從經綸立本。知化推論。到至誠心體。特下肫肫淵淵浩浩等字。極意形容。而仍有形容不盡之意。所以爲大德之敦化。

闡然承尙綱說。日章承衣錦說。兩層固皆重。然尤重闡然意。以其衣錦而更尙綱也。柏廬朱氏云。日章卽套在闡然內。知淡簡溫三句。不厭文理。卽在淡簡溫內。而字縮上方。合引詩衣錦又。

要領綱之意

著乎外。本乎內。有諸內。形諸外。註雖一樣說。內外然風之自是。以身心分內外。微顯皆只在心裏邊。微是念頭初起。顯則其是非自己心中。然甚分明。微之顯。是卽微卽顯。獨中不可掩之實。故下節引詩。言潛伏。言孔昭。章句亦云。承上文言莫見乎隱。莫顯乎微也。

黃氏曰。先師言中庸說下學處少。說上達處多。然說下學處。雖少而實切。如云。明善誠身。擇善固執。尊德性道問學。皆提綱挈領。切要之言也。愚按。戒懼慎獨。尤是下學工夫。要領明善誠身。

擇善固執。尊德性道問學。須是能主敬。然後工夫皆切實。故中庸以戒懼慎獨始。以戒懼慎獨終焉。

孟子上

仁義是孟子一生學問大本領。存而爲天德。卽發而爲王道。故開端第一章卽提出以告梁惠王。

王何必曰利。一語截斷衆流。先去其深錮之疾。使肺腑清淨。然後可進我仁義之說。

正誼不謀利。明道不計功。聖賢之學。固是如是。然欲歆動時君。亦必并言其效。故仁義外之利不可言。而仁義中之利所自有。

不必以仁義爲求利之資疑也。

不遺其親卽所以爲仁不後其君卽所以爲義仁義之利利仍是仁義上以此施下以此應也。

重言以結上兩節不止文章結構謹嚴將前文一倒轉說是截住後路反覆以致其誥誡之意。

沼上節條辨當日孟子見王王親近尊禮孟子與之立于沼上顧鴻雁麋鹿而問賢者亦樂此乎是疑詞極是舊說孟子燕見梁王王通立于沼上顧鴻雁麋鹿見孟子而自慚者非蓋孟子之見梁王王常迎之于門廷見于大廷先盡箇賓主之禮沼上

既非見賢之地。孟子亦斷無陡然闢入致王警見孟子若出不意者。乃知前人看書儘有于情事未合處。此雖似閒文。却甚有關於禮數不可不知。

賢者而後樂此。人皆知孟子迎機以導。因王之自疑而引之以賢者之事。不知纔說賢者而後樂此。卽又言不賢者雖有此不樂也。一反轉說語便危悚連上句而後兩字。並是難詞。尹氏所謂其意深切者也。

不日。註言不終日。毛西河謂無一日成一臺者。解言不計日。引國語韋昭註。不課程以時日。若作不終日解。則於勿亟有礙矣。

抑知不日而成民原有急於成臺之意。文王恐過勞其民。故戒以勿亟。而民自如子來趨父事。所以不日成之也。是下二句自爲開闔。以申明此句之意。夫何礙乎。且不日而臺成。惟其成之甚速。所以謂之靈見靈臺之所由名在此。若作不計時日。則勿亟二字反成贅語耳。惟言不終日。誠不免於太速。竊以不多日爲穩。

農桑教養等事。自是王道根本。最要之務。此却以不違不入等。爲王道之始者。是時王政不行。法制盡廢。五畝百畝之制。蠶桑畜牧之經。許多規畫。非倉猝可能定。若此三者。只因民之所利。

而致其樽節愛養。却無時不可舉行。況此日之梁。因荒疊告。養生送死。尤民生日用所最急。故王道之行。必自此始。觀於告齊。宣王但舉制產一節。不及農時等項。可知上一節事。是承梁王救荒說來。

上節曰農時。下言其時者。就民言。則爲農時。以君視民。則爲其時也。違與奪義。亦有別。違者。民自有事而耕耘收穫。或後其時。奪則君有力役使民。不得盡力於農畝。而失其時也。註所謂凡有興作。不違此時。至冬乃役之者。疑是勿奪其時正解。王無罪歲。說統謂句內便含罪已意。蓋平時無五畝百畝之制。

使民無以爲衣食之源。王之罪一也。厚斂於民。以養禽獸。而民不得其養。是禽獸重於民。而民反輕於禽獸。王之罪二也。倉廩實。府庫充。疾視其民之死。上慢而殘下。王之罪三也。卽天降災。糴亦非徒氣化上事。只就好戰一端。上足干天地之和。下則奪耕耘之候。是窮兵黷武。以致凶年。王之罪四也。先下罪已之詔。發倉廩。賑貧窮。以救目前之急。然後王道次第舉行。乃可謂之盡心於民也。

刑罰繁。則民無所措手足。稅斂重。則民闕於衣食。况此日之梁。三方挫。劓糜爛。方深。兩河告凶。饑率載道。奈何又困之以嚴刑。

重。斂。乎。故。仁。政。原。不。只。此。二。項。而。省。刑。薄。斂。又。是。此。時。急。務。爲。所。當。先。者。也。

暇。日。雖。言。耕。耨。之。餘。然。却。從。省。刑。薄。斂。來。若。非。省。薄。之。日。則。農。功。雖。畢。不。困。於。桎。梏。卽。擾。於。追。呼。安。得。有。此。暇。日。

兩。提。彼。字。見。敵。國。自。棄。其。民。民。不。爲。用。往。而。征。之。是。正。其。虐。民。之。罪。不。爲。自。已。洩。忿。所。以。彼。民。自。不。與。吾。爲。敵。以。申。明。上。文。制。挺。可。挺。之。意。

分。則。爭。一。則。定。一。是。權。統。於。一。天。下。有。道。則。禮。樂。征。伐。自。天。子。出。疆。域。自。分。綱。維。自。一。不。是。兼。并。諸。侯。席。卷。天。下。而。後。謂。之。一。

也已。山王氏云。不在變封建爲郡縣。極是。輯語三代以前有治
亂。無分合。治亂以德移。分合必由力併。顯與孟子之言爲背。夫
國君好仁。天下無敵。聖王之一天下。只以德耳。人君有不嗜殺
人之心。行不嗜殺人之政。則四海咸歸。九州胥附。人心一也。風
流令行。自近及遠。政教一也。小懷大畏。悉主悉臣。權勢一也。四
國環衛。夫神京一人。君臨乎天下。而大一統之模成焉。由是干
戈載戢。兵革不試。所謂定於一者如此。
殺人何事而忍嗜之。然人君不以愛民爲心。則無往而非殺人。
之事。嚴刑酷法。殺人以律。暴斂橫征。殺人以賦。爭地。糜爛。

其民殺人以兵。肥肉肥馬。取民以養。殺人以獸。至於塗有餓莩。而不知發。饑歲凶年。殺人尤甚焉。有君如此。謂之嗜殺人者。亦宜。孟子此語。最爲沉痛。其以警時君者深矣。

齊桓晉文之事。以無道無傳。截住與對梁惠王利國之問。何必曰利。一語相似。蓋桓文圖霸之事。亦不外富國強兵之類也。齊宣開口便稱桓文。是當時所尙。孟子開口便舉仲尼。是生平願學。見崇王黜霸學問根源在此。

德何如德字。是言恩澤之施。就用愛上說。非心之德。德字何如。則可以王齊宣看王字甚難。不知德澤之何如。廣被意蓋謂必。

無一物之不被其澤而後可。卽此一問中亦見不知推恩之序。故孟子接口說箇保民。

術字本不好字。如齊桓晉文之事所以不足道者爲其尙權詐而用術故也。仁術却是仁之妙用。仁心有窒礙難行之處正以仁之有術而能通術由仁生仁以術運自不可無亦見天下無行仁而或窮之理。

爲長者折枝。集註以長者之命折草木之枝言不難也。趙註折枝按摩折手節解罷枝也。匯參謂趙註言事長之禮於爲長者三字較有情。然如今註極言其不難儘可却猶未知集註之實。

勝趙註也。蓋此章前後引喻皆遠取諸物。如挾泰山。超北海。舉百鈞。舉一羽。察秋毫。見與薪。緣木求魚。皆以物相比。折草木之枝。正與爲類。隨所舉示。原不必于長者有情。而折枝之易。與挾山超海之難。相反相形。分明指出箇不能不爲模樣。正寫得形字出。故以集註爲得孟子語言之妙。尤合也。

齊王問七十里之文圍。孟子不與辨駁。而反順其言曰。於傳有之。固是借文王以引進齊宣。使與民同之。然意尤注重末節。以圍爲阱。等句說得驚心動魄。一不與民同害。遂至此與文王正是相反。使齊王聽之。亦自不寒而慄。此孟子之善於進言處。

上節從流連之樂。荒亡之行。重複繳轉。先王已將今時之樊。截
佐則惟君所行。自合單主先王之法。言景公本不當有巡狩之
事。時亦不復舉行述職。而春秋省耕省斂。皆先王之法。天子諸
侯皆行之。今君既欲比於先王。觀則惟此爲當行者也。前路逼
拶歸結到此。正與吾何修而可以比於先王。觀一問針對。
戰國時人皆已無周。獨此明堂巍然在齊境內。殊爲礙目。故謂
王毀之。輔氏謂與子貢欲去告朔餼羊之意同。愚謂未必是同。
子貢欲去餼羊。本是嘆告朔不行。作此無聊之語。未嘗不爲禮
起見。但眼光與夫子別淺深耳。要豈欲毀明堂之意哉。纔明彼。

便曉此。

水滸詩傳是指漆沮二水。史記周本紀亦云太王去豳渡漆沮。踰梁山止於岐下。獨程大昌雍錄言渭水實在梁山下之南。循渭西上可以達岐。詩水字與漆沮無干。四書釋地稱其精確。愚按詩傳根據上章自土沮漆之句。原自確鑿。又考皇矣之篇。居岐之陽。在渭之將。爲文王伐密以後徙宅於程之事。程在岐山之陽。渭水之側。是岐下本未至渭水。太王自豳遷岐。宜無迂道。反從渭以達岐。論古者但當根據雅詩。太王遷岐則循漆沮以。至岐。下文王遷程則自岐而南。乃在渭水之側。兩詩分別言之。

確有明徵。不得謂朱子未至雍岐疑詩傳并疑雅詩。

梁惠王治上之樂。齊宣王好樂好勇好貨好色之心。皆是人欲之私。孟子却卽就其人欲引之天理。蓋胸中先立一王政與民同之之意。作定盤針。磕來碰去。隨所與言。總歸結到此旨。至如公劉太王好貨好色。尤是無中生有。從無證據處尋出證據來。顧左右而言他。是一付老擦心肝。不受善言的光景。使孟子雖善進說至此。直無從置口。此不是自慚正截斷後文說話。所以不足與有爲。

王無親臣無字。就王心上說。不是以亡去爲無。以亡而不知其

亡爲無惟有無絕不關心雖亡去而不知則不亡去者心上亦
未嘗有不然王所進用之臣不必人人亡去豈得便說是無
慎用賢人之君左右諸大夫是亦因其賢而用之未可不是疑
其疆址慮其間私但人而果賢則賢之者必不自左右始必不
自諸大夫止故於左右諸大夫之言皆未以爲可也至於國人
皆曰賢則合朝野上下同然一詞其論既公猶必虛心體訪親
見其賢而後用之則亦非但憑諸國人之言也所謂慎也
姑舍女所學而從我不是齊王嘗有此言只靖王之意如是所
學是王道從我則從其功利之私如齊桓晉文之事非指好樂

好勇好貨好色等

君民閭絕災祲之得以上聞者賴有司之告耳告之而聽民困猶得稍蘇卽告之而不聽亦姑盡有司之職乃今之爲有司者若另有肺腸或逆料君心猜知太吏不欲爲賑卹之舉告之而恐拂其意或慮災傷入奏賦斂一捐在己遂無所沾潤又或以凶荒爲通國之事徐俟同寮之先發究之彼此觀望因循旣久竟至不果不但曰不告而曰莫以告是相習成風打成一片莫有以告者矣嗚呼有司若此斯民尙得有生理哉

出爾反爾承上句來曾子意中重在反見出爾卽反爾故當戒

其出對節末君無尤焉。孟子引來重在山見反爾原由出爾故不當尤其反。

顧宗孟謂太王事狄正是緩狄之策。預定遷國于胸中而以空國委之非也。太王事狄原冀得免於侵。始以皮幣繼以犬馬繼以珠玉。苟可免於狄人之侵。豈必爲遷岐之事。蓋邠地固公劉所以立國當年陟嶽降原何等鄭重。傳及太王已歷九世。使非狄難萬不得已而輕于棄之。如世守之謂何。故謂太王預定遷國而以事狄爲始。緩時日之謀。此後世機權而非聖賢之心也。物必先腐而蟲生之人必先疑而譏入之。平公之見孟子原非。

本意故臧倉之沮得乘間而入此自應專責平公然而孟子只
以天自安遇與不遇總歸之天既不以此病魯君於臧倉又何
尤。

聖賢以天下之治亂任諸已而不諉其權於氣數故曰當今之
世舍我其誰也聖賢以斯道之興廢聽諸天而不授其權於讒
佞故曰臧氏之子焉能使予不遇哉。

孔子大管仲之功而孟子卑之者聖人之門學術自正如子路
子貢論仁皆在理欲上辨別夫子却恐並其功而沒之故言其
有仁天下之功至孟子時人心惟知功利使無孟子之言天下

誰復知有王者之事。亦誰復知孔孟之學。實備乎王者之德哉。故就春秋而論。自不可無管仲之功。從聖賢而論。自不願爲伯者之烈。

告子謂不得於言。在己之言也。孟子之言。知言在人之言也。或問如是。自極分明。如告子與孟子論性。說性猶杞柳。性猶湍水。前後四章於理。皆不能通達。是其不得於言。確證語類。却言若要得後面知言處相貫。則是他人之言。文集又謂言爲心聲。則在己在人。皆如此也。朱子本未有定論。政集註只渾言之。但前後義各有當。此不得於言。自主或問以在己之言爲是。

集註恐懼疑惑四字倒從下文知言養氣反照出也。疑懼卽動心不動心卽孔子所謂知者不惑勇者不懼。

直養無害。集註明有兩層。下文有事勿忘是直養。勿正勿助長是無害。翼註言只一意非直養了又要無害者非是。

塞於天地之間。雖就直養無害者說却要見得人生而有此剛大之氣本是塞於天地天人一理生來不曾虧欠些。集註故於下節特提明養成此氣以立上下界限。

集義所生句是主非義襲而取之。是足上句意非義襲而取正見必集義以生行有不慊於心則餒矣。又是中說所以不可襲。

取之意。

孟子泰山巖巖氣象是從養得浩然之氣來。

不動心首重持志。孟子前言志至氣次。持其志無暴其氣。於後乃曰知言養氣。似少了持志一層。添了知言一層。不知惟精義乃能集義。知言養氣是二。是一而持志爲知言養氣之本。說知言養氣自有持志工夫在內。此更不消說也。集註於持志曰敬。守其志敬是聖學工夫。主腦持志是主敬。精義集義亦要以敬。程子曰。未有致知而不在敬者。又曰。必有所事。是敬也。故必持志而後能知言養氣。至於窮理集義之功。既至而於天下之事。

無所恐懼疑惑。收效在不動心。又卽持志工夫。盡處此聖學許多頭項。皆一絡索事。總是心上工夫。

所謂告子不免於四者之病者。如以生爲性是偏於氣質一邊。而於義理一邊則蔽矣。由是而爲杞柳桮棬之喻。又爲湍水之喻。是其言之浸淫汎濫。而心之陷溺可知。愈陷愈深。至同人性於物性與道理全然離叛。而自成其爲一家邪辟之言。然正理究竟離不得離了。便說有所窮。於是遁而之他。如始言以人性爲仁義。仁義皆在性外。後又言仁內義外者是。側隱羞惡辭讓是非。如絲連繩貫。發現處雖各有條理。其根底

只是惻隱。蓋仁是一腔生意。羞惡辭讓是非之心。皆從此生出。朱子謂若不是惻隱。則三者都是死物。言三者之心都不會發動也。所以仁統四端。顧麟士曰。自謂不能。亦指君而言。蓋此章爲當時諸侯發也。觀於第二節言先王有不忍人之心。斯有不忍人之政。作擴充樣子。末節能充極其效於保四海。則謂爲諸侯發者。固是。但章首人皆有。不忍人之心。道理直從天地生人說來。發端一人字。固大概說第三節特下今人二字。亦仍泛言四節六節。疊疊提掇人字。當非專指人君。

張子曰。心統性情者也。新安陳氏以爲性情字皆從心心涵養此性心統性也。節制此情心統情也。按涵養節制已是工夫。張子言心統性情是就生初說人生而有此心心全具此性心統性也。心發揮此情心統情也。

子路人告之以有過則喜。是何等胸次。從此日進便是大舜善與人同氣象。故孟子將來與舜禹同列。不然聖門賢者儘多。何以獨取乎此。須見其無人已之隔氣象。闊大處不當兢兢於有過無過。但稱其克治之勇。

禹聞善言則拜。或問小註。聖人之拜。固出於誠意。然拜是容貌。

問。未見得行不行。若舜則眞見於行事處。此言未是。若問善言而不見於行。則拜亦虛文。豈得謂出于誠意。蓋其所以不同者。禹之拜善。猶是有意。舜之同善。直不自知也。

舍己從人。自是舍己之善。語類。罔言不先立己。而虛心以聽天下之公益。不知善之在己也。集註。却言己未善。則無所繫著。而舍以從人。初看似與語類有異。細玩自不相悖。蓋未善是舜自視爲未善。不知善之在己。正聖不自聖之意。若眞認爲未善。便礙理。

夷之隘。惠之不恭。精義云。孟子恐後人以隘爲清。以不恭爲和。

故曰隘與不恭。君子不由也。然隘却要從清。看不恭却要從和。看出惟清之至。著不得一些塵垢。所以隘和之至。無人不可以與處。所以不恭隘自是伯夷之隘。不恭自是柳下惠之不恭。說來要有分寸。不得一味貶駁。

翼註管仲且猶不可名。主桓公不名管仲。上已山云不敢名。自君心說不可名。以臣品言。愚按君之不敢名。以其臣固不可名也。則不可名。雖以臣品言。仍自君心看出。

皆適於義。義字從下文有處無處。處字生出。處物爲義也。義字實際固在下文。然所以皆是。自以合義。義有權衡。故不偏執一。

意義有裁制。故亦不涉游移。皆是卽貼義字說。謂未說到義字上者似太拘。

邑有先君之廟者。以其邑封同姓子孫。故有先君之廟。平陸爲孔距心邑。或不當有語類云。王之爲都。恐是都鄙之都。卽四縣爲都也。此語類可訂集註之誤。

去之。或只罷去黜責失伍罪。應不至於殺。

立而視其死五字。直是逼得緊。使距心不得不任其罪。然終不聞其請命於王。孟子所以有他日之見。而爲王誦之。至王亦自引爲罪。應有發粟賑民之舉。惜乎記者之不詳也。按第十四卷。

註云。先時齊國嘗饑。孟子勸王發棠邑之倉以賑貧窮。疑在此時。

或問勸齊伐燕有諸。這或人卽是陳賈。一輩以燕人既畔。欲誘咎孟子以爲嘗勸齊伐燕。却正欲爲齊王出脫。

齊之無道與燕無異者。應如楊氏指殺其父兄。係累其子弟。而言雙峯饒氏謂齊以諸侯如何可擅相征伐。說統亦謂齊之擅征伐是不奉天討。恐非當時孟子本意。齊之伐燕若能弔民伐罪。無殺戮係累之事。亦何爲而不可。惟是不行仁政而肆爲殘虐。則彼固爲無道之燕。此亦爲無道之燕。直以燕伐燕而已。

奉行天命。謂之天吏。如湯武是也。奉天命。不是奉王命。蓋戰國之時。勢與春秋異。春秋時。周室猶爲其主。至戰國而天命人心已去。孟子正欲王爲湯武。不是必請命於衰周。

王庶幾改之。集註所改。必指一事而言。然今不可考矣。集解觀致臣與留行兩章。並未明言王不能行其道之意。想齊王當日亦必有小事。爲孟子所不悅。故託之而去。愚按此應不是小事。就書之次序觀之。孟子致爲臣而歸。怡在伐燕燕畔之後。或卽指此一事。孟子前日曾勸王勿取後。因諸侯謀救。又有王速出令反其耄倪等言。王不能用。是卽所謂諫於其君而不受者也。

且茲事所關甚大。齊王不用孟子之言。伐燕取之。至齊。潛王時。燕用樂毅破齊。下齊七十餘城。齊國幾亡。禍機却伏於此。孟子早已見及。所謂王如用予。則豈徒齊民安。天下之民舉安者。正指此事故。雖已去而猶惓惓望其能改。

于里見王是行道齊時之本心。三宿出晝。是愛君澤民之餘意。來齊之初。其志方銳。故本心曰汲汲去齊。之後。屬望猶深。故餘意曰惓惓。

有王者必有名。世有名。世亦必有王者。不先不後。應運而興。所以謂之名世者。有民胞物與。度量有操。亂反治。心胸有超越。天

下才識有經綸宇宙學問故功加于時德垂于後聲名爛焉末
著一者字俯仰古今穆然意遠

夫天未欲平治天下節自應照註聖賢憂世樂天並行不悖意
道理甚大纔見聖賢心體中正無偏悲憫悒鬱之中襟懷仍復
灑落徐巖泉謂此節正解不豫之意以末句爲掀起語應轉首
句明已所以不豫者非已山謂樂天意只於言外得之不宜硬
入者亦不是蓋聖賢憂世之心本非怨天尤人充虞引夫子之
語本是不合故既荅以不豫之故而又言未嘗不豫正應其所
問不怨不尤也

惟性善。故人皆可爲堯舜。到堯舜地位。亦只完得性善本量。若少不如堯舜。便於自己。性上有欠闕。堯舜是性善的準的。民事不可緩。此句是一章大旨。民爲邦本。人君之爲民謀者。自當策其萬全。而本末具舉。然亦必權其輕重。而先後布之。不可緩。自應照制產行助說。已山謂民事指耕耘收穫之事。非語類先王疆理天下之初。做許多畝溝澮洫之類。大段費人力。若自五十而增爲七十。自七十而增爲百畝。則田間許多疆理都合更改。恐無是理。或問亦言易代更制。每有增加。則其勞民動衆。廢已成之業。使民不得服先疇之田畝。其煩擾亦甚矣。不

知孟子之言其所以若此者果何也。然朱子雖疑其說不欲妄
生見解。強爲附會。故集註仍依孟子本文。茲攷先儒論說如劉
氏、皇甫氏、熊氏、陳氏、徐氏、金氏、袁氏。輒憑臆見。自立一說。而謬
悠舛錯。皆不得其當。惟孔氏謂夏時土曠人稀。故其畝特大。周
土闢人稠。故其畝特小。周之二畝當夏之一畝。蔡氏豈又云夏
尺十寸。商九寸。周八寸。授田多少歸于尺寸廣狹不同。意與孔
氏相近。然孔氏推原其故于理可通。而說无所據。參之蔡氏似
覺可憑。而倍多倍少亦終未合。愚按步百爲畝。三代授田本同。
五十七十百畝。此算法各異。夏之量田一縱一橫。如信南山詩。

云我疆我理。南東其畝。自南而北。自東而西。禹甸只縱橫算也。井田用開方法。薛常州云。開方四面算之。則五十畝恰有百畝矣。而商周又有七十畝百畝之異者。溝洫隨山隨河。地形有曲。有直。商人除寬狹尖斜不成方者。不在授井之內。王制所謂方百里者。爲田九萬億畝。三分去一。餘六十億畝。百畝而三。去其一。則只七十畝也。虛氏鄭氏謂王制是殷制。周之徹法。按畝丈量。截長補短。統寬狹尖斜折計成方。而舉其全數。故有百畝總之貢助與徹。歷聖有變通之權。當革者革之。畛涂溝洫。三代有相仍之舊。當因者因之。周之百畝。卽殷七十畝。夏五十畝。而何至有毀廢。

舍壞墁涂紛紛煩擾爲哉。

龍子春秋時人所言貢之不善是春秋時徹法中所行之貢法。非禹時之貢也。蓋在夏有貢無助在商有助無貢。惟周之徹法貢助兼有而行之既久助則善貢則不善也。龍子之言本以助之善形貢之不善意在譏切時事。孟子引之是以貢之不善形助之善意在勸滕行助。

方里而井五句是商之助法。集註以爲周者以井九百畝爲周徹授田之數也不知八家同井中爲公田自是商制。周則九夫爲井中百畝並授于民而私田百畝中各有公田十畝合作均

分民得其九。公取其一。與商之助法少異。九夫爲井。見周禮小司徒匠人之職。司馬法夫三爲屋。屋三爲井。一井亦明有九夫。孟子本未見周禮。前引大田之詩以證周之亦助。周制蓋已無考。此亦但就井之形體而言。卽孟子自定井田法度。合訂云。以周之田數行商之助法。正自有見。不得以其背註少之。

許行爲神農並耕之說。或問以爲當時民淳事簡。容或有如許行之說者。及乎世變風移。至於唐虞之際。亦當隨時立政。而不容守其舊矣。此說未是。蓋神農是開物成務。前民利用之聖人。雖世風淳樸。而君臣之分既定。豈得有並耕之理。許行特以其

荒遠無稽。造作此語。以煽惑人心耳。豈如或問所云。

聖賢以傳道而有徒。許行欲以神農之言欺世。故亦必多爲徒黨。其徒數十人。是許行以神農之言煽惑得來。

上言敷治。舉禹益稷契。而不及皐陶。下言舜以不得禹皐陶爲已憂。獨舉禹。學者文有互見。舉兩人而益稷契該之矣。抑以見洪水未平。則明刑之官。可緩教養。旣舉則彌教之任。非輕齊。價是但以輕重多寡大小爲價。不論精相美惡。乃孟子聞之。之意。註蓋預透下意。而言在陳相口中。自不宜露說統所謂欲舉世皆爲其粗。不爲其精。相安太樸。巧僞不生。當下並無此意。

蓋陳相本是遁辭。只要說箇市價不貳。自然莫欺。直忘却精粗美惡了。猶前言並耕彼。豈知有大人小人之事哉。所以孟子特地提明夫物之不齊。物之情也。惟精粗美惡極其不齊。所以價必不可並。下子比而同之一折白倒。

夷子厚葬其親。原是他天良發現。從一本上生來。則是以所賤事親。孟子故意激他。欲使反求而得其本心。猶與齊王言不忍之心而故以爲愛一詰難相似。蓋石中之火不擊則不出。夷子雖有是本心之明。而學於墨氏。不能不至於汨沒。故特提起厚葬一事挑撥。擊動。正使他自體自認。

人之愛其兄子與鄰之子蒙引言且無論愛己之子過於鄰之子也。視其兄之子自是過於鄰之子。則己之子益可知。此言非是。人之用愛親疎本是不可無等而已。子與兄子却又不可有所區別。視兄子爲不如己子。便是私意。孟子言愛其兄之子。兄子卽當己子。不必於兄子外更添說己之子。

墨氏愛無差等。孟子曰二本朱子謂千萬本總是箇無本。

陳代以枉見爲小節。其視己也甚輕矣。故以爲枉尺直尋。孟子枉尋直尺。且只就其言利者而反折之。猶未明言所以不可枉之故。至末點出道字。已字。君子之身爲抱道之身。枉己卽枉道。

道無分於大小總不可枉君子之守道豈反不如御者之守法
扼重道字見非小節

周霄不是疑君子之急仕正疑君子之難仕古之君子仕乎一
問是要討出急仕意以調其難仕孟子提出一道字來言急仕
難仕無非爲道急仕是行道之淡心難仕是守道之正理不由
其道而往則旣無可守之道又豈有可行之道是以君子惡之
急與難固自並行不悖

守先王之道以待後之學者二句是通章扼要語當此楊墨並
行異端蜂起爲我兼愛之說皆與仁義之道爲敵士生其間前

不見先王後不見來學其勢甚孤而士以守與待爲己任誠何如事乎以其身係斯道絕續之交守先則功在先王待後則功在學者

宋之所爲將行王政者當以後二章戴不勝薦薛居州盈之欲輕賦謂能尊賢用才緩征薄賦一時並以爲將行王政萬章亦如是云爾若據史記宋王偃滅滕伐薛敗齊楚魏之兵欲伯王天下者無論此時滕猶未滅卽果有此等之事亦正窮兵黷武糜爛其民諸侯方比之桀宋而萬章何至疑爲王政萬雖無道明是國君何至殺人以奪酒食此要看得活當是無

道之國賊盜公行。至於饋餉之童子。有殺而奪之者。而葛伯不爲復仇。直似與餉者爲仇。甚其罪曰。率與率。欲食人。率土地而食人肉。一例卽趙盾不討賊。春秋書趙盾弑其君之意。

曾子子路。一以諂脅比之。夏畦。一以強言病其赧赧。見汙賤者之可恥。蓋汙賤者不知自恥。而聖門賢人恥之。孟子引來自重。二子之素養上見。其平日守孔門之法。以道義自重。卽其言可以知其所養。自不肯屈己。以見諸侯。與章旨有合。謂只重二子所譏之人之可恥。不重二子者。非是。

自古壞法弊政。相循而不能改者。大率多成於待之一字。待之

云者因循苟且之輩遷延目前以此推託以此掩飾而已其實本無欲已之心

天下之生生於天實生於聖天無爲而人有爲治不常治亂不終亂挽回修救天特授其權於聖人故天下不亂則聖人不生聖人不生則天下不治而生民之道將絕天爲天下之生而生聖人聖人安得不以天下之治亂爲己任

禹治水先自下流掘地注海是下流近海之處書傳林氏曰河濟下流袞受之淮下流徐受之江漢下流揚受之故禹貢施功次序冀州帝都之外先兗青徐揚掘地卽前言疏淪決排掘去

壅塞地卽四州之地。下文江淮河漢由地中行。則下流旣治而
上流亦安。從源而達委。皆慶安瀾也。

誅紂伐奄。非一時。武王伐紂。只一著戎衣。而天下大定。伐奄討
其君。至於三年者。乃周公東征時事。武王旣沒。奄與淮夷武庚
三監一時同叛。周公討而誅之。三年卽東征之三年也。總冠以
周公相武王者。周公居攝而輔幼主。所以終相武之事耳。
孔子無命討賞罰之權。春秋之作。特明其義於魯史之舊文。而
直以爲天子之事者。作春秋以討亂賊。口誅筆伐。嚴於斧鉞。胡
氏以爲王法寓焉者是也。翼註謂不必依胡氏說。只作還大權

于天子竊疑詞意稍寬。至蔡氏云。記天子之事。以記字換託字。則全失正旨矣。孟子陡然下此一語。見孔子撥亂反治。身任天下。不得已之苦心。知我罪我。都不暇顧。正不必以託南面之權爲嫌也。

戰國生民之禍。不主策士傾危。而言處士者。遊說之士。以其功利富強之說。冀得當於一時之人君。其議止于卑污。猶未甚橫也。若處士窮而在下。目空一世。而無所忌憚者。其志橫溢也。猖狂自恣。而亢戾不馴者。其氣橫厲也。因而其議亦橫。洪水橫流。夷狄橫行。猛獸橫噬。害猶一時。處士之橫議。禍及萬世。所以尤

可懼也。

先聖斷指孔子。謂統說三聖者。非道。卽仁義通節重此一句。閑只是守。必說距放者。譬如敵勢方張。當其冠未漢入。只當申嚴號令。高城深池。以我之不可勝待敵之可勝而已。及兵旣壓境。卽當與彼決一勝負。故必當頭攔截。不放過去。且常勝之道。在我扼項。搗虛。追奔逐北。務使潛匿遠竄。不復敢乘間竊發。而後我之所守。乃益堅固。此則以攻爲守。距放正所以爲閑也。人心爲治亂之本人。心正而亂不終於亂。人心不正而治不保其治。人心具有仁義。本無不正是生而所以生之理也。人心不

正而生機絕矣。洪水之陷溺。猛獸之殘害。夷狄篡弑之背畔。止在一時。至邪說誣民。而人心之洪水。人心之猛獸。人心之亂賊。禍且及於萬世。是以聖賢急欲起而正之。孟子一生道性善。稱仁義。惓惓不已之衷。只我亦欲正人心一語道盡。